

職官考

歷代官制


耆社

宗親府

相府

并屬司
附提堰司

文獻備考



東國文獻備考卷之二百十二

校正

職官考一

命官分職帝王御世經邦之具也邈矣我東
檀箕之世官制無徵三國以後始可述已然
名號欠雅品級難詳至高麗則備矣而猶病
夫倣擬太拘變易無常逮我朝御極禮樂文
物度越今古職官之制於是乎得正小大相
維綱舉目張不泥中國之號而取義則古略
倣麗世之制而命名則新真可謂周監於二

代郁郁乎文者也昔郊子對孔子之問獨詳於少皞官名豈不以其祖少皞故為能得其詳歟今畧於三國稍詳於勝國而於本朝則備載其沿革者蓋亦郊子詳於少皞之意也作職官考第二十凡二十三卷

三國以上官制

臣謹按三國以上官職其名號職掌多有未詳不能一一參合於高麗本朝官職故總為一卷就其中擬出可據者槩見於諸職之上箕子朝鮮

箕子置士師箕子東封之初欲設八條之教而風土有別得國之所尊者然後可以行國人舉王受競薦之命為士師

補箕準拜衛滿為博士

新羅

大輔南解王始置以昔脫解為之任國事

以下內官

上大等

或云上臣

法興王始置

本記曰拜伊飡哲夫為上大等摠知國事如今之

宰相

上大等官始於此

執事省

本名稟主或云祖主

真德王改為執事部興德王又改

為省中侍一人真德王始置景德王改侍中自大阿

之典大等二人真興王始置景德王改侍郎自奈

為之大舍二人真平王始置景德王改郎中自舍知

為之舍知二人神文王始置景德王改貲外郎惠恭王

復稱舍知自舍知至史十四人文武王加六人景德

王改為郎惠恭王復稱史自先沮至知

兵部法興王始置掌內外兵馬事令一人法興王始

置真興王加一人太宗王又加一人自大阿

大監二人真平王始置太宗王加一人景德王改侍

郎惠恭王復稱大監為之弟監二人真平王始置太

宗王改大舍景德王改郎中惠恭王復稱大舍

自舍知至

奈麻為之弩舍知一人文武王始置景德王改司兵惠恭

王復稱弩舍知

自舍知至大舍為之

史十二人文武王加五人

自先沮知至大舍為之弩幢一人文武王始置景德王改小司

兵惠恭王復稱弩幢

調府真平王始置景德王改為大府惠恭王復稱調

府令二人真德王始置

自府衙至大角千為之

卿二人文武王

加一人

位與兵部大監同

大舍二人真德王始置景德王改

主簿惠恭王復稱大舍

自舍知至奈麻為之

舍知一人神文王

始置景德王改司庫惠恭王復稱舍知

自舍知至大舍為之史

八人孝昭王加二人

位與兵部史同

京城周作典景德王改修城府惠恭王復稱京城周

作典令五人聖德王始置

自大阿哈至大角千為之

卿六人聖德

王始置

位與執事侍郎同

大舍六人景德王改主簿惠恭王

復稱大舍

自舍知至大奈麻為之

舍知一人景德王改司功惠

恭王復稱舍知

自舍知至大舍為之

史八人

史與調府同

倉部

舊管於稟主

真德王始置令二人

自大阿哈至大角千為之

卿二

人文武王加一人景德王改侍郎惠恭王復稱卿

位與

兵部大監同

大舍二人景德王改郎中惠恭王復稱大舍

與兵部大舍同

祖舍知一人孝昭王始置景德王改司倉惠

恭王復稱祖舍知史三十人

禮部令二人真平王始置位典兵部令同卿二人真德王始

置文武王加一人典調府卿同大舍二人景德王改主簿

後復稱大舍典調府大舍同舍知一人景德王改司禮後復

稱舍知典調府舍知同史十一人

乘府景德王改司馭府惠恭王復稱乘府令二人真

平王始置自大府冷至角干為之卿二人文武王加一人位典調府

同大舍二人景德王改主簿後復稱大舍典兵部大舍同舍

知一人景德王改司牧後復稱舍知典調府舍知同史十一

人補三國史作十二人

司正府太宗王始置景德王改肅正臺惠恭王復稱

司正府令一人自八阿哈至卿二人真興王始置文武

王加一人位典乘府卿同佐二人孝成王時避王諱改丞

為佐他皆同景德王改評事後復稱佐自奈麻至大

大舍二人自舍知至奈麻為之補三國史史十五人

例作府一作典景德王改修例府惠恭王復稱例作

府令一人神文王置自大阿哈至卿二人位典司大

舍四人景德王改主簿後復稱大舍哀莊王省二人

典兵部舍知二人景德王改司例後復稱舍知典舍知

同史八人

船府舊屬兵部

大監第監掌舟楫之事

文武王別置景德王改

利濟府惠恭王復稱船府令一人

自大阿滄至角干為之

卿二

人神文王加一人

位與調府卿同

大舍二人景德王改主簿

惠恭王復稱大舍

與調府大舍同

舍知一人景德王改司舟

惠恭王復稱舍知

與調府舍知同

史八人

領客府

本名倭典

真平王改領客典

補置倭典

後又別

景德王改

司賓府惠恭王復稱領客府令二人真德王始置

自大

阿滄至角干為之

卿二人文武王加一人

與調府卿同

大舍二人

景德王改主簿惠恭王復稱大舍

與調府大舍同

舍知一人

景德王改司儀惠恭王復稱舍知

與調府舍知同

史八人

位和府真平王始置景德王改司位府惠恭王復稱

位和府衿荷臣二人神文王置後加一人哀莊王改

為令自伊食至大角干為之上堂二人神文王置聖德王加一人

哀莊王改為卿自級倉至何倉為之大舍二人景德王改主簿

後復稱大舍與調府大舍同史八人

本記曰掌選舉之事又曰如今吏部

左理方府真德王始置孝昭王時避王諱改議方府

令二人自級倉至西倉為之卿二人文武王加一人佐二人景

德王改評事惠恭王復稱佐與同正大舍三國史累德王改主

簿惠恭王復舊號二人與兵部大舍同史十人

左理方府文武王始置令卿佐大舍史

數并與左理府同

賞賜署屬倉部景德王改司勳監惠恭王復置賞賜

署大正一人真平王始置景德王改為正後復稱大

正

自級倉至阿倉為之

佐一人

自大奈麻至級倉為之

大舍二人景德王

改主書惠恭王復稱大舍

自舍知至奈麻為之

史六人

大道署

或云寺典或云內道監

屬禮部大正一人真平王始置

景德王改為正後復稱大正

自級倉至阿倉為之補一云大正下又有大舍

二人景德王改主簿惠恭王復舊號

主書二人景德王改主事

自舍知至奈麻

為之舍八人

典邑署景德王改典京府卿二人

自奈麻至沙倉為之

監四人

自秦麻至大秦麻為之補本置監六大司邑六人舍自
人分領六部元聖王陞二人為卿
知至秦中司邑六人自舍知至小司邑九人與弩舍
麻為之

史十六人木尺七十人

永昌宮成典文武王始置上堂一人景德王置又改

為卿惠恭王復稱上堂哀莊王又改為卿自級食至

大舍二人景德王改主簿惠恭王復稱大舍自舍知

為史四人

國學屬禮部神文王始置景德王改大學監惠恭王
復稱國學卿一人景德王改司業惠恭王復稱卿博
士助教並不定數大舍二人真德王置景德王改主

簿惠恭王復稱大舍

自舍知至
奈麻為之

史四人

教授之法以周易尚書毛詩禮記春秋左氏傳文
選分為之業博士若助教一人或以禮記周易論
語孝經或以春秋左傳毛詩論語孝經或以尚書
論語孝經文選教之諸生讀書以三品出身讀春
秋左傳若禮記若文選能通其義兼明論語孝經
者為上讀曲禮論語孝經者為中讀曲禮孝經者
為下讀能兼通五經三史諸子百家書者超擢用
之或差筐學博士或助教一人以綴經三開九章
六章教之凡學生位自大舍以下至無位年自十

五之三十皆充之限九年若朴魯不化者罷之若才器可成而未熟者雖踰九年許在學位至大奈麻奈麻而後出學

音聲署屬禮部景德王改大樂監惠恭王復稱音聲署長二人神文王改為卿景德王改司樂惠恭王復稱卿大舍二人真德王置景德王改主簿後復稱大舍

自舍知至奈麻為之

史四人

大日任典太宗王始置景德王合典府京大都司六人景德王改大典儀後復稱大都司

自舍知至奈麻為之

小都司二人景德王改小典儀後復稱小都司

自舍知至大舍為之

都事大舍二人景德王改大典事後復稱都事大舍

自舍知至都事舍知四人景德王改中典事後復稱

都事舍知大舍為之都謁舍知八人景德王改典謁

後復稱都謁舍知大舍為之都引舍知一人景德王

改典引後復稱都引舍知與同幢六人景德王改

小典事後復稱幢與調府都事稽知六人都謁稽知

六人都引稽知補或云都引五人比伐首十人

工匠府景德王改典祠署後復稱工匠府監一人神

文王置自大奈麻至主書補或云主事二人真德王

置自舍知至史四人補臣謹按三國史景德王改工

奈麻為之

恭王並復舊號而此作改
工匠府為典祠署恐誤

彩典景德王改典彩署後復稱彩典監一人神文王

置自奈麻至大奈麻為之主書二人真德王置自奈麻至大奈麻為之史三

人

左司祿館文武王置監一人自奈麻至大奈麻為之主書云主

事二人自舍知至奈麻為之史四人

右司祿館文武王置監主書史典左司祿館同

典祠署屬禮部聖德王置監一人自奈麻至大奈麻為之大舍

補三國史景德王改主書惠恭王復舊號二人真德王置自舍知至奈麻為之史四

人

新宮聖德王置景德王改典設館後復稱新宮監一

人

位典典
祠監同

主書二人

典典祠
大舍同

史三人

東市典智證王置監二人

自奈麻至大
奈麻為之

大舍二人景德

德王改主事後復稱大舍

自舍知至
奈麻為之

書生二人景德

王改司真後復書生

典調府
史同

史四人

西市典孝昭王置

南市典孝昭王置監大舍書生史

貧數並典
東市典同

司範署屬禮部大舍二人景德王改主事後復稱大

舍

典調府舍知同
或云主書

史四人

京都驛景德王改都亭驛後復稱京都驛大舍二人

自舍知至
奈麻為之
史二人

漏刻典聖德王置博士六人史一人

六部少監典

一云六部
監典

梁部少梁部監郎各一人大奈

麻各一人大舍各二人舍知各一人史梁部六人沙

梁部五人本彼部監郎一人監大舍一人舍知一人

監幢五人史一人牟梁部監臣一人大舍一人舍知

一人監幢五人史一人漢抵部習比部監臣各一人

大舍各一人舍知各一人監幢各三人史各一人

食尺典大舍六人史六人

直徒典大舍六人舍知八人史二十六人

古官家典幢

一云稽知

四人鉤尺六人水主六人禾主十

五人

內省景德王改殿中省後復稱內省祕臣一人

補真平王

初置大官梁官沙梁官祕臣後以一人兼掌位自衿荷至太太肅干惟其人則授之亦無年限

景德

王改殿中令後復稱祕臣卿二人

自泰麻至阿食為之

監二人

自泰麻至沙食為之

大舍一人舍知一人

內司正典景德王置又改建平省後復稱內司正典

議史一人貞察二人史四人

典大舍典典大舍一人典翁一人史四人

上大舍典上大舍一人上翁一人

黑鎧監景德王改衛武監後復稱黑鎧監大舍一人
史四人

本彼宮神文王置虞一人祔母一人工翁二人典翁
一人史二人

引道典景德王改禮成典後復稱引道典上引道二
人位引道三人官引道四人

村徒典文武王置于一人宮翁一人大尺一人史二
人

于飛
千

屍驛典耆翁一人宮翁一人

平珍音典景德王改掃宮後復稱平珍音典耆翁一

人遜翁一人典翁二人

煙舍典聖德王置耆翁一人

詳文司聖德王改通文博士景德王改翰林學士

所內學生聖德王置

天文博士後改司天博士

醫學孝昭王置博士二人

以本草經甲乙經素問經針經脉經明堂經難經

教授學生

律令典博士六人

藏官典大舍二人史二人

青淵宮典景德王改造秋亭後復故大舍二人史二人宮翁一人

夫泉宮典大舍二人史二人宮翁一人

且熱音宮典大舍二人史四人宮翁一人

坐山典大舍二人史三人宮翁一人

四天王寺成典 奉聖寺成典 感恩寺成典 奉

德寺成典 奉恩寺成典 靈廟寺成典 永興寺

成典

臣謹按右諸寺成典有監令檢校使上堂赤位青位首典等官名而並係寺廟修營之職

設官涉於不經故建置官數不為詳錄

屏村宮典

北吐只宮典

私覲宮典

(補)三國史云以下五官通

謂之古秦宮

葛川宮典

善坪宮典

伊同宮典

平

立宮典

臣

謹按諸右宮典並有大舍史等職而不經

與諸寺成典同故不為詳錄

明活典

源谷羊典

染谷典

壁典

荊園典

豆吞炭典

少年監典

會宮典上新謀典

下

新謀典

左新謀典

右新謀典

祖典

新園典

水庫典

白川首簪典

漢祗首簪典

蛟川首

蕭典 本彼首蕭典 陵色典 穢宮典 曝典

肉典 澤典 綺典 席典 机檻典 揚典或云司筐

局尾器典 監夫大典 大傳典 行軍典 永昌

典 古昌典 番監 顏堂典 物藏典 北廂

典 倭典 錦典或云織錦房 鐵鑰典 寺典 漆典

或云歸器房 毛典 皮典或云乾人房 鞞典 鞞典 皮打典或云

鞞工房 磨典或云梓人房 鞞典 靴典 打典 麻履

典 僧房典 庖典 月池嶽典 龍王典 朝霞

房母 染宮母 疏典母補三國史疏典下有紅典母一稟 蘇芳

典母 攢染典母 漂典母 何尼典母 針房女

子 南下所宮 南掩園 北園 新青潤

臣謹按諸典有大舍史諸典母女子並係工女諸宮園有翁助而細鎖非設宮之體故不為詳錄只舉其典名

御龍省祔臣一人哀莊王置御伯郎二人景德王改

奉御宣德王改為卿

補尋改為監
稚省十四人

洗宅景德王改為中事省後復故大舍八人從舍知

二人

崇文堂郎二人史四人從舍知二人

藏典大舍二人史四人從舍知二人

監典大舍二人舍知二人史四人都官四人從舍知
二人樂子無定數

廩典景德王改天祿司後復故大舍二人舍知二人
史八人廩翁四人從舍知二人

春典舍知二人史八人

祭典舍知二人史六人

藥典景德王改保命司後復故舍知二人史六人從
舍知二人

供奉醫師無定數

供奉卜師無定數

麻典景德王改織紡局後復故千一人史八人從舍

知四人

東宮衙景德王置上大舍一人次大舍一人

以下東宮官

御龍省大舍二人雜省六人

洗宅大舍四人從舍知二人

給帳典典四人雜四人

侍衛府真德主置將軍六人

自級倉至阿倉為之

大監六人

自奈

麻至阿倉為之隊頭十五人

自舍知至汝倉為之

項三十六人

自舍知至大奈

麻為

卒百十七人

自先阻知至大舍為之
○以下武職

諸軍官將軍三十六人掌大幢四人貴幢四人漢山

停三人謂澄為停完山停三人河西停二人牛首停二人

熊川外停三人景德王置補自真骨上堂綠衿幢紫

衿幢白衿幢緋衿幢黃衿幢黑衿幢碧衿幢赤衿幢

青衿幢以上幢各二人補自真骨級准至肅于為之

大官大監真興王置真骨自舍知至何倉為之○次品自奈麻至四重何倉為之

掌大幢五人貴幢五人四停各四人漢山牛首河西完山九衿

幢各四人

隊大監領馬兵蜀衿一人音里火停一人古良夫里停

一人居斯勿停一人參良火停一人召參停一人未

多夫里停一人南川停一人骨乃斤停一人伐力川

停一人伊火分停一人九衿幢各三人菁州誓一人
漢山州誓一人完山州誓一人領步兵大幢三人漢
山停三人貴幢二人牛首停二人完山停二人八衿
幢各二人緋衿幢四人

補自奈麻至
阿食為之

茅監真興王置領大幢五人貴幢五人四停各四人
八衿幢各四人罽衿幢一人

補自舍知至
大奈麻為之

監舍知法興王置大幢一人上州停一人四停各一
人九衿幢各一人罽衿武幢白衿武幢赤衿武幢黃
衿武幢各一人

補自舍知至
大舍為之

少監真興王置大幢十五人貴幢十五人四停各十

三人補三國史漢山傳河西傳各十三人九衿幢各十三

人補三國史緋衿幢八衿幢各六人領騎兵音里火傳古良夫里

停居斯勿停參良火傳台參停未多夫里停南川停

骨乃斤停伐力川停伊火兮停各二人九衿幢各六

人罽衿一人三州誓各三人領步兵大幢六人貴幢

四人四停各四人補三國史三州誓漢山傳各六人

停九衿幢各四人補三國史八衿幢各八人三州誓各九

人補自大舍以下為之

火尺大幢十五人貴幢十人四停各十人九衿幢各

十三人補三國史火尺緋紫三幢各十三人以上屬大官罽

衿七人十停各二人八衿幢各六人補九衿甲三州

誓各二人以上領騎兵大幢六人貴幢四人三停各四

人補三國史漢山停六人九衿幢各四人補三國史

八人補衿白衿武幢赤衿武幢黃衿武幢各八人以

領上步兵補伍與

軍師幢主法興王置王都一人無衿大幢一人五停

各一人九衿幢各一人三衿武幢各一人補自奈麻

之六六尺尺幢主大幢一人五停各一人九衿幢各

一人補伍與軍

步騎幢主王都一人無衿大幢六人貴幢四人四停

各四人補三國史漢山州六人八衿幢各四人三衿

武幢各人補自奈麻至

三千幢主十停各六人補自舍知至

著衿騎幢主八衿幢各十八人屬衿六人菁州六人

四停各四人補三國史漢山州各六人四千幢

三人補位典三

緋衿幢主沙伐州三人軟良州三人菁州三人漢山

州二人牛首州六人河西州六人熊川州五人完山

州四人武珍州八人補自舍知

師子衿幢主王都三人九州各三人補自舍知至

法幢主百官幢主三十人京餘甲幢主十五人小京
餘甲幢主十六人外餘甲幢主五十二人弩幢主十
五人雲梯幢主六人衝幢主十二人石投幢主十二
人

黑衣長槍末步幢主大幢三十人貴幢二十二三人

傳各二十人

補三國史漢山傳二十八人

七衿各二

十人

補三國史六衿各二十人
九衿除緋白二衿
○自舍知至級槍為之

三武幢主白赤黃衿各十六人

補位與末

萬步幢主

京五幢主

補三國史作

十五人節末幢主四人九卅

萬步幢主十八人

自舍知至大

系麻為之

軍師監王都二人無衿大幢二人五傳各二人九衿

幢各二人補自舍知至奈麻為之

大匠大幢大監一人五傳各一人九衿幢各一人補自

舍知至大奈麻為之

步騎監王都一人大幢六人貴幢四人三傳各四人

補三國史漢山傳六人半首傳完山傳各三人八衿幢各四人三衿武幢各

二人補位典軍師監同

三千監十傳各六人補自舍知至大奈麻為之

師子衿幢監三十人補自幢至奈麻為之

法幢監百九十四人補三國史百官幢三十人京餘甲幢十五人外餘甲幢六十八

人石投幢衡幢各十二人弩幢四十五人

緋衿監四十八人四十人領兵

著衿監八衿幢各十八人屬衿六人四停各三人

國史著卅傳漢山傳完山四子幢三人泰麻為之

皆知戟幢監四人並王都泰麻為之

法幢頭上百九十二人餘甲幢四人五八外法幢

法幢火尺二百五十九人軍師幢三十人師子衿幢

外餘甲幢百二人弩幢四十五人雲梯

法幢辟王四百八十六人餘甲幢四十五人外法幢

三千卒百五十人補自大奈麻

都督九人伐休王原本作智證初置州軍主文武

王改摠管元聖王稱都督自級以下外官為

仕臣或云仕真興王置自級為至波

州助或云九人自奈麻至重

郡太守百十五人自舍知至重

長史或云九人自舍知至大

仕大舍或云五人自舍知至大

外司正百三十三人文武王置位未詳

少守或云八十五人自幢至大

縣令二百一人自先沮知至

頭上大監一人宣德王始置大谷城頭上自級倉至四重阿倉

為之○以下
俱江鎮典

大監七人與郡太守同

頭上茅監一人自舍知至大奈麻為之

茅監一人自懂至奈麻為之

步監一人與縣令同

少監六人自先沮知至大舍為之

補南史新羅官名有子賁旱支壹旱支齊旱支謁

旱支壹吉旱支奇貝旱支

補新唐書新羅官有宰相侍中司農大府令凡十

有七等達官以親屬為上其族名第一骨第二骨以自別

補韵玉曰新羅官名有阿飡或云阿干又云闕餐以繫干餐三字皆聲相近也又有級餐伊餐沙飡等號

補又曰羅制有青位赤位後以青位改為判官赤位為錄事

高句麗

內評

外評

五部褥薩

右出隋書

左輔

右輔

大主簿

國相

九使者

中畏大

夫

⑧後漢書高句麗置官有相加對盧沛者古鄒大
加主簿優台使者皂衣先人

⑨杜佑通典曰高句麗建官有九等其一曰吐粹
舊名大對盧摠知國事次曰太太兄次鬱折華言
主簿次太太夫人使者次皂衣頭大兄東夷相傳
所謂皂衣夫人者也以前五官掌機密謀政事徵
發兵馬選授官爵次大使者次大兄次叔位使者
次上位使者次小兄次諸兄次過節次不過節次
先人又有古鄒加掌賓客卿以太夫使者為之又

有國子博士大學士舍人通事典書客皆以小兄
以上為之又其諸大城置禰薩諸城置處間近支
亦謂之道使其武官曰大模達以皂衣頭大兄以
上為之次末客以大兄以上為之其次領千人以
下各有差等又其國有五部一曰內部即漢時桂
婁部也二曰北部即絕奴部也三曰東部即順奴
部也四曰南部即灌奴部也五曰西部即清奴部
也

①補新唐書曰高勾麗官凡十二級曰大對盧或曰
吐粹鬱折主圖簿曰太大使者曰皂衣頭大兄東

國政曰大使者曰大兄曰上位使者曰諸兄曰小
使者曰過節曰先人其州縣六十大城置禡薩古
鄒大如其出於本紀者始有大輔後有左輔右輔
又合二輔為國相又有掌牲官又有于台即優台
也又有貫那沛者桓那于台沸流那皂衣等各部
各置此等官左右輔大王簿中畏大夫之類即王
都之官也

補高勾麗尚王女者為駙馬都尉

百濟

內臣佐平掌宣納事 內頭佐平掌庫藏事 內法

佐平掌禮儀事 衛士佐平掌宿衛兵事 朝廷佐

平掌刑獄事 兵官佐平掌外兵馬事

以下內官

前內部 穀內部 內庫部 外庫部 馬部 刀

部 功德部 藥部 木部 法部 後宮部

左輔 右輔 左將 上佐平 北門頭

司軍部 司徒部 司空部 司寇部 點口部

補客部 三國史點口部下又有客部 外舍部 網部 日官部

市部 外官

上部 前部 中部 下部 後部

每部有五巷統兵百人 〇

都下
五部

①補百濟都下有方分為五部部有五巷五方各有方領一人以達率為之方有十郡郡有將三人以德率為之統兵一千二百人以下七百人以上大抵郡縣皆以子弟宗族分據之又有冠軍將軍龍驤將軍駙馬都尉太守長史司馬等號

①補安鼎福曰百濟官職之制東史無明文以其可據者言之其初有右輔掌兵事多婁王復置左輔蓋分主軍國政事古公王又置左將妾以兵馬則其有右將可知矣於是二輔主政二將率兵而將相之任分矣至是又置六佐平則若

六尚書之分掌諸部定為十六品而官制備焉
三國史本紀所引皆用此史之文矣蓋鹵王上
魏王表有冠軍將軍駙馬都尉弗侯侯長史龍
驤將軍帶方太守司馬等官又有將軍等號又
有官名北門頭者腴支王時又置上佐平位六
佐平之上

⑨文獻通考馬韓官名有魏寧善邑君歸義侯中
郎將都尉伯長侯

⑩後漢書曰辰韓馬韓邑各有帥一曰殺奚

⑪辰韓渠帥大者名臣智次倫側次樊穢次殺奚

次邑階

①補扶餘官名有馬加牛加猪加狗加大使大使者使者

①補三國志扶餘以六畜名之有馬加牛加猪加狗加犬使等號諸加別主四出道大者主千餘家小者數百家

①補三國志東沃沮置功曹注簿皆藏民作之諸邑落渠帥皆自稱三老

①補三國遺事駕洛王金首露七年戊申謂其臣曰九千為庶僚之長而名稱鄙野非簪履職位之稱

遂改我刀為我躬汝刀為汝諧彼刀為彼藏五刀
為五常留水為留功留天為留德神天為神道神
鬼為臣貴五天為五能餘并取新羅職儀

弓裔

廣評省匡治奈

侍中

徐事

侍郎

外書

員外郎

兵部

大龍

部

倉部

壽春部

禮部

奉賓部

禮賓省

義刑臺

刑部

納

貨府

大府寺

調位府

三司

內奉省

都省

禁書省

秘書省

南廂壇

將作監

水壇

水部

元鳳省

翰林院

飛龍省

太僕寺

物藏省

少府監

史臺掌習譯語

植貨府掌

栽植果樹

障繕府掌修理城隍

珠陶省掌造成

器物

正匡 元輔 大相 元尹 佐尹 正朝 甫尹

軍尹 中尹

東國文獻備考卷之二百十二

東國文獻備考卷之二百十三

校正

職官考二

耆社

臣謹按耆社之立司古未有也高麗時致仕諸臣為耆老會而未聞以君上之尊亦與焉惟我太祖大王寶筭靈長始八耆社衙門之設自此始矣繼而我肅宗大王暨今上殿下相承而八三聖寶牒並安於靈壽閣於是乎耆社事體至為尊重不敢並列於他司作為

一篇謹係于首

本朝太祖三年聖壽躋六十乃八耆社留卿諱於西樓壁上命選文宰之年滿七十位登正卿者始許入錄仍設宴以御筆特賜田土臧獲鹽盆漁箭等物以贍之

肅宗四十五年王世子引太祖朝故事請上八耆社上曰以子孫題名於太祖之下則亦盛事雖以廷臣臣言之七十例八耆所亦無辭免此非可讜遂許之仍命考太祖朝實錄而無所載上以無可據特寢成命王世子申請之王子述初君

英宗御諱

率述齡君昉及

諸宗臣聯名上疏畧曰耆老所書諱厥有太祖朝故事則踵而行之尤為曠世盛舉此春宮積誠申請而聖明所以卽賜允可者也迺者考史之行縷返遽見成命之還寢中外羣情孰不抑鬱臣等嘗聞國初制度草創史官記事甚踈略此事亦或見漏固無足怪而故相臣沈嘉壽及仕於壬辰亂前則序文必據其耳目所覩記非若傳信傳疑之比此外名臣長德記述之語亦多有之而其為文獻之可徵孰有過於先生案者乎當此三百年後始有之盛會追繼三百年前聖朝之美事則當初聖教所謂初非撝謙之事

者誠是至當底道理今若歸重於元來踈漏之事雖
以致盛禮闕而不舉則是將並與太祖大王盛事熙
蹟而永泯於來世也殿下亦何不念及於此耶臣等
又嘗伏聞宣廟末年亦擬待六旬之至追踵太祖故
事而未及焉臣僚逮事者無不追恨云今幸聖壽靈
長已臻六旬而盛事終亦不舉則豈不為國家之欠
典乎上荅曰此事元非可謙者旣允世子之請矣願
後還寢成命以其不載實錄也世子之缺然申請愈
往愈懇而爾等及多宗之言亦如此仍又思太祖西
樓書諱之事載於沈喜壽耆所先生案重修序文中

今茲文字決非杜撰且宣祖朝去古未遠而晚年亦
嘗擬待六旬之至追踵太祖故事則尤為明白而疏
中並與太祖盛事而永泯於來世之云甚是依前下
教舉行焉乃以二月十二日上八耆所於是建靈壽
閣於耆所將奉安御牒而太祖朝西樓故事今無存
焉故新造冊子使王世子第一張謹書太祖大王徽
號第二張謹書肅宗大王尊號奉安於靈壽閣尚衣
院造几杖以進上引耆老諸臣八景賢堂倣五禮儀
養老宴儀行宴仍撤法樂使之盡歡於本所

御識曰本章中穆廟擬待六旬之說其時聞於東

平都尉者也

英宗二十年以上以九月初九日八耆社拜靈壽閣躬
題御牒尚衣院提調奉几杖跪授禮官跪置于座前
承旨跪奉几杖以授內侍內侍受以侍立而几左杖
右几以不為之長四尺用周尺高一尺一寸五分廣一
尺二寸七分加紅漆兩端稍高中央稍凹無綾加綠
緞杖亦以木為之長七尺五寸為九節如竹形加紅
漆上端刻木為鳩色微青下端押鉶並依已亥故事
而鉶則已亥鍍金今以銀十月受宴於法殿翌日奉
大王大妃稱觴受宴日依已亥錫宴故事宣御饌賜

樂舞命宗伯與耆臣同往本所盡歡

御製曰予即祚二十年甲子九月初九日年五十
一歲效司馬光故事追踵已亥八耆社之盛舉詣
靈壽閣以翼善冠袞龍袍先拜閣閣前受几與杖
櫪內敬依昔年仍親書尊號與某年月日第一張
即聖朝尊號與八耆社年月第二張即聖考尊號
與八耆社年月此我皇兄於興政堂侍坐親書者
而其時仰承欲為親書而在靜攝中代寫之教故
予則體先志於第三張其敢親書嗚呼懷尤萬意
蓋御牒既奉靈壽閣不敢以今予追書奉來於闕

中故躬詣寶閣受几杖而書御帖寔由於此已亥
跋文故相李觀命以文任製進判書閔鎮厚奉教
書故予則不敢置錄小跋親製親寫作為一卷同
藏于寶牒櫃中今者文獻備考中當錄故呼寫以
付此誠一字百濟伊時事實不過如斯而已嗚呼
初受几杖于寶閣後回詣長樂殿奏我慈聖又於
六十七時皆拜靈壽閣親記於小跋帖子中矣
同年十月不敢泯昔年盛事受宴於崇政殿奉觴
於光明殿時親製歌詞令二女伶唱焉其詞曰瞻
拜寶閣兮受几杖來奉歡長樂兮禮遙大開頌祝

岡陵芳獻萬壽杯此體效荷皇恩三章而作本三

章載於樂考矣

英宗庚寅親記八耆社
顓亦命編輯之臣八錄

沈喜壽序曰耆老之有會尚矣唐宋高賢結社流
名之後迨及我東方風流諸彥踵美而傳芳者厥
有寶牒逮于本朝益恢張而侈大之春秋令節宴
遊聯翩不但在下自相娛樂衆乃至君上亦與焉其
扶獎錫賚之典靡所不備觀於太祖大王留御諦
親筆於西樓上亦可驗矣

補金堦題名記曰猗歟盛哉我太祖大王之尊高
年也耆老之會自唐宋為之我國則始於高麗中

葉而皆私自為會孰有人主而親八於其中如我
太祖之殊恩予錫與田土減獲使優其宴需非文
官正二品實職則年雖七十不敢入設宴時必賜
一等之樂世宗成宗一依祖訓申隆罷典至光海
時怠棄訓典陰官亦有濫入今上初清陰金尚憲號相
公乃明舊法一洗向來苟且之習舊有先生案目
亂散失迹陵李公李好問收拾錄成一帙其中或
不無遺失而無可考據姑就其本書粧續後來諸
君子詳記而敬守無習我太祖大王之盛意也

補尹根壽契屏序曰耆年之會蓋始於麗朝崔讜

與弟誡俱以故相致仕暨若而人結社優遊自樂
人至謂地上仙其後又有縉之者八我朝仍踵行
焉抑香山白尚書洛中富鄭公唐宋之會則但尚
齒而無論官之崇庠矣至我朝必年至而官二品
方得預則豈不允難哉

補光海時朝議許八蔭官之年位俱尊者領議政
鄭仁弘工曹判書趙振等若而人孝宗初金尚憲
申巖舊典昏朝之濫竽者一改釐改

補肅宗二年選臣奏國制正二品年七十以上者
皆入耆老所今右議政許穆上之所尊用位至三

公年八十有二當入耆老所而古事非文吏不得
入豈以三公所兼任如領經筵監春秋館事皆文
吏職而獨不得入耆老所非所以待耆老之意上
特命八耆社未幾還為拔去

補崔錫鼎耆英故事序曰養老敬長之禮尚矣自
虞夏商周以來莫不以是為重其見於王制禮經
猶可考信降及後代漢明之敬老尊師魏孝文之
尊禮耆德雖不如上古之隆其遺風餘韻猶有足
徵者唐宋以來此道漸替香山洛社之會非不成
美宣著矣然臣下私自燕喜故或會于鄉居或會

于禪房飲酒賦詩以為樂未聞朝廷崇賢尚齒如
古昔盛時也茲惟我太祖受命開國值春秋六十
遂入耆社賜宴卿宰大臣年七十以上者十人錫
賚之豐眷遇之渥非復勝國以前規摹後絃之人
為題名錄及式例行之今三百二十餘載錫鼎以
曾經議政年滿七十忝入焉遂裒集前修所錄首
揭耆老所次列耆英會賜几杖致仕優老古今壽
耆又以回婚回榜等事附記名曰耆英故事以備
太史掌故之採

李觀命靈壽閣上樑文曰九五福一壽祝睿筌於

無疆三百年再行安寶牒之有所承天之慶不日
而成惟聖祖撫運而御邦豎耆臣屈威而叅社鄉
班及稀年乃許蓋循前朝之舊章至尊以周甲與
同俯就羣下之美事真氣逼於戶牖祥連南極之
輝寶墨暎於門楣影動西樓之色猗歟曠典之邁
古展也景貺之裕昆神孫丕承寶曆綿四紀之日
月上天陰隲遐齡趺六旬之春秋遵先王已行之
規考其時則可矣稽宣廟未遂之教想前軌之信
然老臣之一二記言史失徵野儲君之再三陳籲
誠格回天命下而羣情胥歡辰良而縉儀遄舉鸞

翺鳳翥神毛潤少海之波瀾珖檢銀繩秘帖倣明
堂之圖錄由至德克配前聖幸盛禮復覩今時煨
乎文章所以至治之賁飭赫然耳目詎無新措之
經營拓耆所之舊基載畚載輦殫工倅之巧思有
與有輪徽號聯翮風雲通黼座之氣嘉稱標揭神
靈護金榜之題祥光瑞色之鬱蔥白叟黃童之鼓
舞伊大德得壽得祿信斯理之孔昭茲我后肯構
肯堂致純嘏之彌熾恭仰善禱助舉脩禱兒郎偉
拋梁東璚璫先得瑞暎紅一般青帝生生意萬品
熙熙壽域中拋梁西華嶽金精望不迷報道瑤池

仙實熟侍臣拜賀壽天齊拋梁南節彼南山翠靄
含遲日薰風來殿角冲融惠化四方覃拋梁北雲
近蓬萊接五色會待周詩歌屢豐欣聽鍾鼓自宸
極拋梁上閭闔高開天宇曠對越宸心互感通洋
洋百福潛來貺拋梁下父老爭瞻齊祝嘏翠茵丹
冀繞砌生祥風細雨來飄灑伏願上梁之後地靈
陰扶天休滋至香煙浮於繡拱陽谷之春融融淑
氣傍於金莖清都之景肅肅吾王庶無疾奉萬世
祝聖之杯盛烈何以加軼三代敬老之典

鄭澔賜宴後序曰已亥即聖上在宥四十五年也

用議者言耆社諸臣合辭請上依太祖朝故事臨
錄耆老所蓋明年聖壽恰滿耳順之歲而遵古禮
吉事有進無退之義也王世子邸下依議援例稟
旨舉行遂以是年二月十二日聖上臨錄本所奉
安御帖於別閣又以四月十八日親臨便殿錫宴
耆老諸臣十人宴罷特賜金杯仍撤法樂使之盡
歡於本所真千載一時之盛會也謹按耆老所之
設粵在我太祖大王肇位之三年甲戌蓋是時聖
壽適六旬初設本所仍命選文宰之年滿七十位
登正卿以上俱許八錄於是上自題上方以示君

臣相說之義蓋此舉古未嘗有也今我聖上德為
聖人功光祖宗一心臨履終始靡懈宜乎受天之
祐繼列祖而膺此福慶也詩曰嘉樂君子顯顯令
德宜民宜人受祿于天保佑命之自天申之夫子
引此詩而贊之曰大德必得其位必得其祿必得
其名必得其壽正為我聖朝兩世准備者也嗚呼
我國家億萬年無疆之休其自今日始乎猗歟盛
哉

補李宜顯刪補題名錄序曰壬辰倭難官私掌故
蕩然無存五峰李公

李好閔號

既入社追記前人名字

然此非適考文籍只以耳目所及隨錄故漏佚甚多又祖宗朝卿宰或未及七十而叅宴與入社有間而不復區別故相徐恭肅公徐文重謚諸鍊故實取其可刪者刪之可補者補之作爲附錄不倭以犬馬齒至猥廁社末遂以曾所聞見者畧加考證別爲一冊其正訛滲漏之端委既彙列於凡例覽者尚有以商之也

文臣年七十正二品以上者依例入耆社稱耆老所堂上無定額英宗四十一年置守直官二員承文成均叅下兼吏屬書吏二人庫直一名使令

四名軍士一名

補樂學軌範每年三月三日九月九日設耆英會

授臺奏洛陽春曲

詞見樂考

李宜顯耆老所題名錄後曰權僖權仲和金士衡李居易李茂非文臣金士衡趙浚李茂未亨七十想是未定制前入社者歟

又曰李陌據其墓文官至嘉善同敦寧而名在錄中職銜書以知中樞祖宗朝從二品久次稱屈者例除守知樞而然歟抑或正卿無入者拔例入社而然歟有未可攷

又曰宣祖朝睦啓申湛亦以從二品入厥後顯
宗朝耆所堂上之人筵臣援例陳白以叅判趙
壽益李後山別軍啓差變例也

補金權閔仁伯李慶涵三公光海時陞資憲入
社而至仁祖癸亥降資出社其後閔公復陞資
八社而金公已卒於光海時李公亦不復入然
既已八社則固社中所謂先生也似不可以後
來出仕而拔去故補八註其事於下

補又曰為知樞者生而贈官三代卒而賜謚視
正二品無少間其八社分明故今以守知樞三

人補入

補耆老所舊有名錄而失於壬辰兵燹李好閔
取登科記及各人碑誌隨聞見編入是謂舊錄
徐文重取舊錄既加釐改又添補其應入而見
漏者四十六人名之曰附錄各人名下皆書補
字李宜顯又再加釐正更為添補其落漏者四
十七人而各書再補字於名下

補臣謹按耆老所之肇初在於太祖甲戌而
其後十年甲申相臣李居易倣麗朝崔鑣故
事邀一時勲德重望十人為耆老會相臣則

不計年齒重臣則七十方許八此乃一時私
會而非公家典憲詳在權近所撰序文中而
李好閔撰座目時收拾故跡於兵火之後喜
得耆老會三字而不復卞其公會私會弁諸
卷首其後諸公不加攷檢視作典憲倘觀權
近序文及結社年月則可以立辨又權僖金
士衡李居易李茂趙浚五人當拔萬萬無疑
而權仲和則恭愍癸巳李穡榜為榜眼則當
八的是而未登第三字恐欠照檢

補

耆社最高年

九十
以上

九十八尹綱

九十七李

久源 九十六閔馨男 九十四李震箕金鏞申
綱 九十三元混辛啓榮李山斗 九十二宋純
宋賢黃欽 九十一高荆山李垌朴恭恒 九十
黃喜尹金孫金繼肅尹履之李光迪

東國文獻備考卷之二百十四

宗政殿 校正

職官考三

宗室

宗親府

新羅稱真骨

高句麗神大王以其姪鄒安為讓國君

封君之制始此

高麗初宗親稱院君大君顯宗以後封公侯下者為

元尹正尹或有兼尚書中書令又或帶大尉司徒司

空忠宣王

原本作忠烈王今釐改補謹按忠烈王二十四年傳位于忠宣王高麗官制改易多

在受禪後數月之內同年忠烈又復位則以年記論之雖係忠烈而官制廢改在於忠宣則不可混稱忠

烈改官制當作忠宣王下倣此

改官制定大君院君諸君元尹正尹

忠宣王教曰元尹正尹古之高爵自今宗親除之者坐於政丞之上異姓坐於本品之列恭愍王復置公侯尋復用忠宣之制

補李齊賢曰國家之制宗室稱諸王猶漢諸劉唐諸李謂同姓耳非爵也親而尊者爵為公其次為侯疎者為伯幼者為司空內足以羸其生外足以尊其勢不使之莅官臨民祖宗所以保親戚也

恭讓王時憲府上疏曰宗親不任以事古之制也

近年多帶成衆愛馬倉庫官司提調乞皆停罷以尊王親其元尹正尹年滿十五歲許除授其未滿者雖判下母得受祿從之

補三年憲司上言聖人制禮嚴嫡庶之分嫡子然後得承襲父爵支子不與焉若宗子無子而亡則宋子之次者乃得襲爵本朝王子之後不論嫡庶不辨親疎一皆封爵實非古制且所謂承襲者父沒然後緦其位也今父在而其子不論多少皆得封君不惟嫡庶無等有事於禮亦難以有限爵祿封無窮之子孫也請令有司考覈宗籍凡為先王

親子之後正泌嫡長及殿下之伯叔親弟及親衆
子乃許封君其封君之後許令長子襲爵其族屬
疎遠而已封君者悉收告身其中擇有才幹者於
文武隨才任用以遵先王之制以別宗族之親不
報

本朝國初仍麗制後改定官制初置宗親府宗室諸
君之府有大君王子君諸君都正正副正守副守令
副令監並無定額典籤一員典簿一員典籤典簿授
以蔭臣有司堂上三員以崇品宗班差下 吏屬書
吏十八庫直四名使令十五名軍士六名

補經國大典 無品大君王子君○從一品君大君
嫡長子初授○正二品君世子衆子大君嫡長孫王
子君嫡長子初授○從二品君世子衆孫大君衆子
嫡長曾孫王子君嫡長孫初授○堂下正三品正世
子衆曾孫大君衆孫王子君衆子嫡長曾孫初授○
從三品副正大君衆曾孫王子君衆孫初授○正四
品守王子君衆曾孫初授

申翊聖題名記曰宗法昉自熙古備於周官至漢
大封同姓子茅體統亞於衆與猶置宗正畀以裁
釐之權蓋以宗法立而戚疏別宗正設而淑慝分

意寓勸懲而一歸之敦睦仁厚而已我朝叙親以
昭穆親盡則止祿秩遞以隆煞科條甚明設宗親
府擇一二品三人號有司實掌宗人封貶之典兼
行統率之義事寄其古之宗正同而裁釐之權移
之宗簿寺此為小異耳

補仁祖二年選臣李植奏曰本朝待宗親之道雖
未及三代之制比之於後世拘禁防限之簿則遠
過之既尊尊祿待之而三宗親盡則更許從文武科
進常時又許交遊出入無所疑防此最好但雖
有絕等之才不叅國政此未及於大道之世也然

開此一路亦有效尤而敗者要以保全莫如今法
補柳磬遠曰周禮小宗伯辨三族之別掌其門
子之政令晉有公族之官掌公之宗族以卿大
夫之適子為之左傳成公十八年晉以荀會藥
壓韓無忌為公族大夫使之訓子弟恭儉孝悌
則是公族之官掌公之宗族而主其訓戒者也
漢置宗正之官列於九寺皇明置宗人府而宗
人今宗正等官陞秩一品專以皇親為之然此
亦掌其皇族之政令者也若其諸宗親之以親
封爵則自載朝廷令典而吏部依法奉行而已

雖四時聚會於府亦不直為此府之職也我國
官制則無宗正等有掌之官而直以諸宗親盡
列以為此府之職與古制有異實非設官分職
之意也

補判中樞宋時烈忠義代數限定議文王之詩文
王孫子雖支庶而亦百世為諸侯至其臣子則必
須世世修德與周匹休也今者列聖之後裔蒙其
庥蔭則有所阻節而功臣支屬反及於無窮豈不
舛且慎乎不得釐正於功臣則毋寧依倣周詩於
列聖支派除去根節之制無使久為尊卑顛倒之

歸也

補肅宗十三年弘文館劄曰東平君杭之特除提調是前所未有之舉我朝宗班之不得任以職事者祖宗深意盖有所在永為定式傳之後人歷朝以來無敢踰越雖其文學才行之表表可稱者一未嘗見用於朝誠以防閑一壞後弊難杜其漸有不可長故也殿下何不念及於此而為此無名之舉以啓僥倖之門耶中批特拜在朝紳猶云不可況於宗戚近臣乎雖在應授之人猶當難慎況於國典所無乎祖宗制法如彼其嚴而至于今日不

能堅守有此特除則臣恐夤緣濫觴無復限節一
司二司仍成謬例將無以救其弊而日後干預朝
廷之患安保其必無也

補修撰宋相琦疏曰祖宗朝則雖在大臣特遣史
官為稀濶之舉至於大臣事體豈不優異而亦且
絕無而僅有焉然則豈不可輕施也明矣今此宗
臣雖曰近親王子則不翅有間一之已過其可再
乎

補王孫昌城君佖除惠民提調言路以格外劾之
佖上章固辭優批許之

十七年御興政堂命召諸宗引對宣醞慰諭之曰
書不云乎以親九族每欲以家人禮迺見而多故
未遑今辰特加登接諸公雖失儀予不為咎仍下
御製詩曰高閣開筵屬令辰氤氲和氣繞中宸八
珍美味仙厨出九醞天香御府臻君樂臣歡昭際
遇恩隆禮厚展敦親諸公幸值昇平日莫厭窮曠

酒八唇

揭板
本府

英宗四十年命宗臣試射仍下御製御筆曰隆堂

中望八憶昔蒼蒼松下會宗親觀德

揭板
本府

相府

執事省

新羅置執事省掌機密事務本名稟主

廣評省

弓高恭封依國制置廣評省

三師三公

高麗置三師三公大師大傅大保為三師大尉司徒
司空為三公無其人則闕文宗定三師三公各一人
忠烈王罷恭愍王復置尋又罷之

門下府

高麗初置內議省掌百揆庶務其郎舍掌諫諍封駁

有內儀令內議舍人成宗改為內史門下省內史令
門下待中內史侍郎平章事門下侍郎平章事內史
舍人穆宗置叅知政事左右散騎常侍左右諫議大
夫左右補闕左右拾遺門下錄事內史注書文宗改
為中書門下省中書令門下待中各一人門下侍郎
平章事中書侍郎平章事各一人又於中書門下各
置平章事叅知政事一人政堂文學知門下省事一
人左右常侍直門下一人左右諫議大夫各一人中
書舍人各一人起居注起居郎起居舍人各一人門
下錄事中書注書各一人忠烈王改為僉議府左右

僉議中贊僉議侍郎贊成事僉議贊成事僉議叅理

叅文學事知僉議府事又改為都僉議使司領都僉

議使司事都僉議侍中後改左右政丞中護評理知

門下左右司議大夫給事中補文宗始置一人後改稱中事忠定王復稱給

事中尋罷恭愍王復置中事尋罷都僉議舍人左右獻納補肅宗改

諫後又改補諫忠宣王復改司諫尋又左右正言補肅

宗改拾遺為正言忠宣王都僉議錄事都僉議注書

恭愍王復稱中書門下省復文宗舊制別立尚書省

又稱都僉議府後改為門下府領門下門下左右侍

中門下贊成事門下評理政堂文學知門下府事左

右散騎常侍直門下司議大夫門下舍人左右獻納
門下錄事門下注書辛禍改領門下為判門下 祿
屬主事六人令史六人書令史六人注寶三人待詔
二人書藝二人試書藝二人記官二十人書手二十
六人直省八人唐御各四人電吏百八十人門僕十人補
忠宣王加置祿屬照磨一人令史二十人譯吏二人
通事二人知帑二人奏差十人

補明宗二十一年舊制省宰無過數三人至是增
為八員杜景升判吏部李義旼判兵部金永存孫
碩同為樞密使皆武臣也

(補)神宗四年竒洪壽車若松同為平章事坐中書省若松問於洪壽曰孔雀好在否荅曰食魚鯁咽而死洪壽因問養牧丹之術若松具道之聞者曰宰相之職在論道經邦但論花鳥何以儀表百僚

忠宣王

原本作忠烈王今釐改

教曰宰執之數倍於古制公

家議論多異同事事稽滯宜當減省又頃者因避上朝之制百官名號早曾改之然或有同而不改者有不同而改之者所更之號亦不師古容有未稱載按歷代官號不涉上朝者易而置之或罷

不急之司合於一局庶幾官省而事易理也

補恭愍王二十年以尹植為侍中韓方信為贊成
事李穡為政堂文學我太祖知門下府事王謂近
臣曰近日物議何如對曰皆言國家得人王笑曰
文武皆用第一流以為宰相誰敢議之

補辛禡五年諫官言今兩府之額多至六十密直
以下封君及通憲以上添設甚衆請皆罷之

尚書省

高麗太祖仍恭封之制置廣評省總領百官有侍中
侍郎郎中員外郎

太祖時又有內奉省三國史云內
奉省郎今都省沿革異此不同

成宗改為御史都省又改為尚書都省文宗定尚書
令一人左右僕射各一人知省事一人左右丞各一
人左右司郎中各一人左右司員外郎各一人都事
二人忠烈王並于中書門下為金議府並罷員吏後
設左右僕射於金議府又置左右司郎中員外郎都
事各二人會都金議府別廳治事尋並罷之恭愍王
革三司復置尚書省並復文宗舊制唯不置知省事
後罷尚書省復置三司 祿屬主事四人令史六人
書令史六人記官二十人筆士一人直省二人

密直司

高麗成宗時兵官侍郎韓彥恭使宋還奏宋樞密院
即我朝直宿員吏之職於是始置中樞院掌出納宿
衛軍機之政與省府叅決國事顯宗罷中樞院及銀
臺南北院置中臺省有使副使直中臺兼直中臺尋
罷中臺復置中樞院後中樞院日直員為左右承宣
各有副仍以副樞以下兼之文宗定判院事一人(補)
知院事一人同知院事一人副使二人簽書院事一
人直學士一人知奏事一人左右承宣各一人左右
副承宣各一人堂後官二人獻宗改樞密院睿宗詔
承宣立本品行頭忠烈王置執奏自崔忠粹執奏

之職廢至是復之改密直司承宣為承旨又改資政

院

原本作光政
院今釐改

刪定員吏使同知院事副使僉院事

同僉院事都承旨承旨副承旨計議官計議叅軍尋

復改密直司使一人知司事二人同知司事三人副

使四人知申事一人左右承旨各一人左右副承旨

各一人堂後官二人忠宣王加置判司事又以密直

司陞秩興僉議府同稱兩府改承旨為代言恭愍王

改判司事司使知司事簽書司事同知司事副使提

學知申事左右代言左右副代言堂後官後降簽書

正三品改提學為學士代言為承旨尋復舊吏屬

別駕十人主事十人試別駕二人令史二人記官八人通引四人

補忠宣王元年密直重房始復舊

補二年傳旨曰式目都監掌邦國重事其以金議政丞判三司事密直使僉議贊成事三司左右使僉議評理以上為判事知密直以下為使密直司陞二品與金議府同稱兩府

補李齊賢曰國初設都兵馬使以侍中平章事叅知政事政堂文學知門下省事為判事判樞密以下為使有大事則會議故有合坐之名一

歲而或一會累歲而或不會其後改為都評議使或稱為式目都監使

資政院

忠烈王始置資政院使同知院事金院事同金院事判官計議官計議叅軍尋罷之

都評議使司

高麗初有都兵馬使文宗定官制判事以待中平章事叅知政事政堂文學知門下省事為之使以六樞密及職事三品以上為之副使六人卿監侍郎為之判官六人少卿以下為之錄事八人甲科權務忠烈

王改為都評議使司凡有大事使以上會議故有合
坐之名事元以來事多倉卒僉議密直每為合坐恭
讓王以門下府三司密直司正員為判司事同司事
兼司事各司受稟公事皆令直報都判司堂勿隸六
曹

鄭道傳廳壁記曰國家置門下府掌理典三司掌
錢穀密直掌軍旅各司其職有大事則會三府以
議之謂之都評議使司因事置罷蓋周禮官聯之
遺意也近來使司專總衆職常置不罷其職任禮
秩固已重於百僚矣而無定署至是新作署宇以

門下侍中守門下侍中為判事三司則判事以下
門下則贊成事以下為同判事密直則判事以下
為使正其名稱使司之任益重矣唐以他官帶同
平章事者得為宰相即其制也

徐居正曰麗太祖開國立三省六尚書九寺六
衛畧倣唐制成宗稍加增損忠烈忠宣服事胡
元凡官爵之倂擬上國者悉改之互相紛更官
爵大紊恭愍二十年之間改官制者四而或從
舊制或用新制不勝其繁矣蓋高麗之始省不
過五樞不過七繁簡得中及其弊也省宰增至

七八事元以來會議密直每於都評議使司會議而商議之名又起於是六部都為虛設百司渙散無統而政事不復修舉

司平府

弓裔泰封置調位府

高麗太祖改調位府為三司掌中外錢穀出納之務顯宗因武臣之請罷三司置都正司後復置三司文宗定判事一人宰臣兼之使二人知司事一人副使二人判官四人睿宗立本品行頭忠烈王置左右使忠惠王置都事恭愍王定判事一人左右使各一人

左右尹各二人副使四人判官二人又改副使為少

尹辛禍始置領三司事 吏屬主事六人令史十一

人書令史二人記官二十五人重監二人計史

原本作計

士今釐改二人筮士四人

本朝太祖元年因麗制置三司掌授廩俸計支用事

領事一員判司事一員左右僕射各一員左右丞各

一員左右諮議各一員左右長史各一員都事二員

太宗元年改為司平府後革羅年代未詳

議政府

本朝太祖元年因麗制置都評議使司判事二員侍

中兼同判事十一員門下府商議府事以上三司左
右僕射以上兼使一員判中樞院事兼副使十五員
中樞使以下中樞學士以上兼檢詳二員經歷一員
都事一員並以他官兼之又置門下府員額並仍麗
制定宗二年罷都評議使司為議政府改置左政丞
右政丞侍郎貳貳成事叅貳知府事太宗元年又罷門
下府併於議政府掌總百官平庶政理陰陽經邦國
十四年改置領府事一員判府使二員同判府事二
員罷叅貳知府事尋改領議政左議政右議政各一
員左貳成右貳成各一員左叅貳右叅貳各一員舍

人二員檢詳一員司錄二員浚減舍人司錄各一員

醫負二人

今稱藥房

浚減一錄事十九人吏屬書吏十

五人權頭十五人庫直二名使令十名房直三名軍士七名

太宗十四年以大臣不宜親小事若軍國重事議政府僉議以啓其餘令六曹直啓施行

十八年左議政例兼判吏禮兵曹右議政例兼判戶刑工曹

世宗十八年下教曰唐虞之際百揆統九官十二牧成周之時冢宰統六卿六十屬或以陳平不知

錢穀之數為得大臣之體然漢相之失權自陳平
始我朝議政府摠一國之政浚以大臣不宜親細
事令六曹得自奏事自是事無大小皆歸六曹政
府不與焉有違古者任相之義今依太祖成憲六
曹各以廢務先報議政府商度以啓唯吏兵曹除
授兵曹用軍等事刑曹死囚外刑獄令該曹啓聞
施行政府從而審駁之

舊制三公押班開帑贊成以下不與至世宗朝以
申鑒為贊成始命三公有故贊成代行又遣承旨
託第論事

李克堪舍人司題名記曰萬幾之煩一人所不能
獨理於是乎有宰相焉相亦不能獨理於是乎有
僚佐焉夫以一國委之相而相之所日與圖議國
政者僚佐耳周有宰士漢有丞相長史是其職也
高麗都評議司總治國事置經歷都事皆以他官
兼之我朝建議政府倣成周三師三少之職以正
宰相之位號又置舍人二員以佐之令相臣自薦
辟焉所以重其選也居是選者不以獻可替否為
必徒以唯諾承稟為任則不過一吏員耳豈國家
設置之意乎

李克堪檢詳司題名記曰政府總治百司舍人檢

詳二司為僚佐分掌庶事其選重矣甲午

太宗十四年

罷政府署事只置舍人司歸檢詳職事于禮曹丙

辰

世宗十八年

署事以後始復此司

三公題名記曰恭惟我太祖康獻大王受命開國

于時門下右侍中裴克廉以前朝相臣寶翊啓運

省制目而不革始割二府倣麗季設都評議司以

掌國政立三軍府以治戎務恭靖朝改為議政府

太宗朝以河崙成石璘為左右政丞於是軍國大

政及六官庶務悉歸政府而典制始定式至于今

每三公坐堂則六曹之屬各執其任來會朝房凡遇啓下公事則舍人以下分房評理以取相君刺決然後該官敢行其事其委任責成之重概可想矣光廟膺錄罷六曹決事而只以大政屬之司錄為四館兼官錄事以下照舊裁授政府之權由是少輕

李睟光曰舊制司錄俱極一時清望錄事都吏皆用初出文官近世司錄用初出文官錄事用庶人冠帶隨行都吏以吏胥為之

補許筠曰我朝政府之權文廟以上極其隆重

每朝三公坐堂則六曹以下該官各執其務叅
謁來候凡公事自政院啓下者皆至政府大臣
與東西壁會議停當一國大少之務大臣無不
與知叅決故相權尊重而自光廟承統以來亟
罷其事由是政府少權云

補又曰當政府決事之日左右舍人及樞詳皆
經吏曹郎而司錄二員例用玉堂叅下藝文館
兼帶新及第一人為錄事各掌六房終日酬應
役役不能開口鼻故設妓樂以娛之及罷決事
之後此風猶存大臣會坐於大廳而舍人所歌

吹車轉天酒肉狼籍云

補舊制軍國大小事無不關由政府自設備局之後備局專主國政而政府作一開局贊成參贊作養病之坊舍人檢詳為妓樂之司而政府之所舉行者不過百官叅謁方物封畧筮闌禮等節目而已云

補架閣庫收藏文書

詳見架閣庫

補枚卜故事國初古事文獻無徵不可詳而以宣廟朝以後事言之卜相命下則兩相同會議卜未來則啓請相議所以重其事也時任有故則或命

原任或命守制人卜相變例也又或於前單中落點或加書落點而特除之規始初焉

補燕山十年召右議政柳洵等諭曰三公之任變理陰陽所係非輕今欲以許琛作相謀諸卿等而卿等亦以為然是臣主之意皆悅即當拜之也洵等合辭稱賀即命召琛教曰朝臣非不多擢用卿者予意有在琛辭以祖宗以來未有二品陞三公者上曰古云爵人於朝與衆共之苟可用也何計資級

補中宗八年三公有關將卜相時朝野皆屬望於

領中樞金應箕右議政宋軼薦應箕原任柳洵亦
意在應箕而重違成希顏意並薦鄭光弼左議政
成希顏揚言曰今日擇相當以光弼為得申用漑
為次如應箕雖如精金玉當國家有為之日無
能往來茲金應箕一千不能當一申用漑申用漑
一千不能當一鄭光弼且應箕位極樞府與聞國
政不必更登台司遂以三人卜相啓曰三人中光
弼則自少沉重喜怒不形倚望甚重光弼當先用
也金應箕為人雅重若國家大事則非光弼不能
為也申用漑有才人也然豈以十用漑而易一光

弼乎今日上至誠卜相不敢不以實啓光弼遂拜
右議政

補十一年五月教曰事權不一則政令紛亂體統
不立則國勢不張以是求治不亦難乎政府者百
僚之所統屬政令之所平章軍國機務無所不摠
自昔建我朝莫不專任輔相以成其治署事之廢
雖在一時其職乃摠百官平廢政通來六曹庶務
漠然不關此豈命相之意乎自今百司庶務毋得
徃自啓達六曹漢城府凡緊重公事與別有施設
建廢者並先報政府商確當否其合宜者且由啓

稟如風憲之職不比諸司然其有違白受教者政
府亦不可不知宜令報府以相可否使政令歸一
綱紀整舉以立一代之體至於進退人物大臣職
而近未聞有激揚黜陟者廢職弛解職此之由咨
政府振頽曲勗乃職以副予專任之意

補十三年以安塘為右議政上教政府曰一相得
則萬事舉遂命議薦領議政鄭光弼左議政申用
溉以金詮李繼孟南袞擬進上曰安塘何如對曰
誠得之矣舊制卜相必循次故臣等未及舉也

補十四年十二月特罷領議政鄭光弼左議政安

瑋以御筆特除南臺李惟清為左右相

補仁宗元年首相有缺以手札喻大臣曰輔相之職百責是萃相得其人則治否則亂亡隨之是以古之明君皆重相臣之選必廣擇鴻儒碩德之人而任之至有拔於版籍之中者今兩臣次陞當卜其代惟我先王培養人材可謂盛矣擇而授之必有其人當慎擇有德望者以宅其位予以否德忝遭大變憎無所察凡經邦重事皆依大臣如得賢輔國之福也聖意皆在於李彥迪而右議政尹仁鏡托言資秩當次者在外有病難及詔使接待之

時竟不卜彥迪○卜相李苞拜右議政臺啓改正
柳灌又代之

補明宗三年洪彥弼為左相領相尹仁鏡曰見廟
堂先生案韓明澮遞領相九年後還為左相鄭光
弼遞領相越十年更為左相洪彥弼座日本在臣
上請以彥弼陞領相上曰不必讓也大司憲具壽
聃啓以座目陞降未便命招六曹判書以上兩司
長官議之皆以為當從座目前例亦然遂命仁鏡
降左相

補六年尹元衡拜右議政上劄辭曰白首老臣如

尹漑金明漑皆合相臣臣以後進躡陞恐有覆餗
之議請改正上許之大臣三司力請仍任上皆不
從元衡時年四十餘其志欲久據兩銓掾縱除拜
之權性又佞佛事如神明佛者云早踐台衡則損
壽故力辭改正云

補十六年右議政鄭芝衍卒左議政金貴榮遞領
議政朴淳被論引入特命注書以備忘記來宣于
草土相盧守慎曰卿大臣也雖在守制之中不可
膠守常規卿其卜相以進守慎以前卜鄭惟吉新
卜柳堧朴大立封八鄭惟吉拜右議政

鄭惟吉前
此拜相改

正至是
復拜

補二十一年右議政柳璵適左議政鄭惟吉卒領
議政盧守慎在家卜相李山海拜右議政

補二十五年五月駕至開城府策免領議政李山
海左議政柳成龍時右議政李陽元以留都在京
上親以宰相座目指點問八侍大司諫李憲國曰
鄭琢何如對曰琢雖清慎無濟世之才古人所謂
束之高閣以俟太平者也又問崔滉何如對曰剛
介則有之性褊狹不可任大事又以俞泓黃廷或
為問俱以不答對上乃舉崔興源尹斗壽對以為

當遂拜左右相人以為難

補三十一年李德馨以天將楊經理鎬接伴久在
島山經理深加咒異謂我人曰李尚書雖中朝猶
優於閣老何以小國而尚滯於貳公耶上聞之即
拜右議政時年三十八

補同年領相有闕左議政李元翼奉使赴京右議
政李德馨以劉都督接伴南下命招原任大臣李
山海尹斗壽鄭琢卜相以八李恒福拜右議政

補三十二年右議政李恒福遞政院啓曰戊子年
廬守慎有在家卜相之規頃者亦有原任大臣命

招卜相之事矣卜相重事自下不敢輕議荅曰令左相在家卜相事言之遣史官于左議政李德馨家卜相封八尹斗壽重拜領議政

補同年左議政李德馨在家卜相以前卜李堅李憲國封八傳曰予未見辭吏判者此人再辭之其可相也以李憲國拜右議政蓋戊戌己亥憲國連拜吏判固辭不出故下教如是云

補三十三年右議政李憲國在家卜相李恒福重拜領議政

補同年憲府啓曰當此多虞之日安危興衰之責

專在於大臣而目今左相南下歸期未定右相之
曠已多時月非但廟堂之上無與懷恭人心之想
望亦極請速為爰立之舉荅曰依啓政院啓曰領
議政李山海卜相事出命牌則領相啓以令承卜
相之命此事臣亦曾有欲稟之意但今左相在外
小臣不得通議敢為卜相恐違規例敢稟荅曰通
議之事則通議為之在外不須通議則量為之鄭
琢重拜左議政

補同年左議政李恒福右議政李憲國命招卜相
以前卜沈喜壽封八傳曰金命元雖似之擔當之

才然寬厚有容白首勤勞王事左叅贊韓應寅有
大勲尹承勲性簡頗盡心國事而才亦有之此數
人亦在可議之中茅未知果合否也沈喜壽以下
四人中當從衆議回啓曰上教所及四人皆一時
德望政是知臣莫如君也臣等不勝感激伏惟上
裁荅曰雖或以予所見一時問之而不可遽以為
定書曰枚卜功臣又曰稽于衆今日姑退去廣問
物議四人中衆以為某也可合云則當從其言更
為未啓可矣回啓曰臣等非敢冒一時上教牽意
而對之也命元應寅非但職秩相當人望亦薦故

今日會議果欲薦之而第以原任大臣俱繫衆望
新薦似多極爲未安只以前薦一人並擬至於承
勲之才識亦繫人望而以其方在外藩故未及論
議上教至此暗與私相論議者相符雖他日更爲
來啓無過於此荅曰然則上下之見相符深喜更
書單子以八金命元拜右議政

補光海戊申領議政李元翼在家卜相奇自獻沈
喜壽並重卜拜左右相

補元年傳曰左右相命招卜相右議政沈喜壽病
不進傳曰左相仍爲卜相左議政李恒福啓曰卜

相重事自古必相臣齊會相議為之其意有在今
日右相適以受鉞受由必不久出仕當待其出仕
而為之敢啓答曰仍為之右相使之在家卜相再
啓曰卜相重事齊會相議已成我國規例凡事一
開其端後必成弊兩相各自擬卜元未便當所爭
雖輕累日而後卜之猶不害事今事係新規敢啓
答曰啓意亦然待右相出仕會議以卜

補四年傳曰大臣命招當日內卜相為之又傳曰
右贊成鄭仁弘並卜遂右議政

補八年領議政奇自獻承命卜相以尹根壽洪進

李光庭柳根柳希奮韓孝純李尚毅李甬瞻卜入
韓孝純拜右議政新卜八人曾所未有

補仁祖癸亥反正後諸功臣欲復政府決事之法
首相李元翼曰中廢此事有此由也國之大權人
臣不可復擅事遂寢

補元年執義金長生疏曰光廟以後諸司各出提
調以分大臣之權其所聽政八草記啓下而已願
復祖宗之舊使國事皆統於大臣而面決於聖衷
補起廢李元翼重卜拜領議政時元翼放逐在衿
川縣田里改紀之初首拜領相

補十年領議政尹昉啓曰卜相事命下矣右議政李
廷龜方在呈告中待右相出仕為之之意敢啓答
曰鼎席不可久曠卿仍為卜相金尚容以前卜拜
右議政時尚容內舅鄭昌衍以原任在首薦弟
尚憲婚張維並新卜一家四人同入金甌曾所未
有云

補二十五年領議政洪瑞鳳在家卜相金塗重卜
為領議政瑞鳳降左相

補同年鼎席有缺廟堂以正卿中無可擬卜者請
亞卿中陞品李黎徐景雨擬刑判景雨蒙黜未替

年枚卜拜相

補二十四年左議政金自點承命卜相金尚憲為

左議政南以雄為右議政丁丑後右議政崔鳴吉以尚憲鈞名削名於枚

卜中至是還卜拜相

補孝宗元年目備局啓辭前左相鄭太和起復傳

曰左相趙翼命招卜相鄭太和拜左議政

補同年右議政趙翼啓曰臣昨日榻前親承聖批

相臣闕貪許令新卜臣親往領相李敬輿家與之

相議其後又以書札往復議定擬望以啓之意敢

啓前卜李時白新卜韓興一李基祚封入李時白

拜右議政

○補新授右相李時白與左相趙翼有婚家相避之嫌左右相並陳劄辭職相避一款命議大臣處之吏曹啓曰相避之法載在大典若或輕改後獎有不可言在平日則此事無容可議但事勢如此回轉無計云答曰婚家相避之嫌法典之意必在於庶官不在於台鼎之位豈可區區拘此而不用賢大臣乎

○補顯宗九年鄭太和重卜拜領議政時太和茅致和以右議政奉使赴燕未返到高陽上劄辭職政

院啓曰取考大典則亦有相避之法但相避有異
無舉論處欲考前例國朝以來雖有兄弟前後拜
相之人而曾無兄弟並相之時前例亦無可據之
事矣答右相劄曰固辭至此勉從之意遣史官傳
諭

補十三年右相命招卜相傳曰加卜右議政金壽
恒啓曰三公枚卜事體重大自前卜相之時非首
相則不敢獨為新卜首相雖在病告中請問議後
加卜史官往來後李慶億拜右議政

補十四年傳曰右相命招卜相右議政金壽興啓

曰前卜相之人無以備擬新卜相則臣不敢獨為書八答曰事勢如此破格新卜可也鄭知和李浣並以新卜拜左右相

補肅宗元年許穆以前僉知招致一歲中五遷拜右議政時年八十一

補十年左議政閔鼎重承命卜相舊例大臣致仕後不入於金甌之卜而以奉朝賀宋時烈繫國家輕重啓辭後依例卜入

後遂
為例

補十三年領右相命招卜相傳曰加卜加卜崔翮又加卜李敏叙又加卜申晟呂聖齊又加卜領議

政金壽恒右議政李端夏請待八侍後加卜趙師錫遂拜右議政

補同年命八前卜相單子政院啓曰大臣雖有一時引八之事既在其任則不問於大臣直為命八有異前規傳曰大臣方在引八之中故有前單還八之命啓辭誠然左相命招使之卜相左議政李端夏再招不進命八前單南九萬李翽拜領右相補十五年睦來善金德遠前單中加書落點拜左右相

補二十年四月傳曰前領相南九萬叙用又傳曰

南九萬復拜領相仍與偕來

九萬已付虜江陵至是特放仍為拜相

補二十二年右議政尹趾善承命卜相而其弟原任大臣趾完以親嫌拔去卜相望中

補三十一年右議政李濡承命卜相傳曰加卜洪受憲又加卜崔奎瑞又命加卜請對後卜八趙泰未望不用特拜徐宗泰為右議政仍以崔奎瑞無義不仕不識君臣之倫而八於枚卜多下嚴教李濡曰此免相

補三十六年左議政徐宗泰承命卜相時原任大臣尹拯誤為落望上劄引咎

補英宗元年右議政鄭澔承命卜相時原任大臣

奉朝賀崔奎瑞拔去望單

三年左議政趙恭億啓
辭後奉朝賀崔奎瑞還

八枚

補二十二年前卜相判書奉朝賀李秉常依例封

八枚校卜

後遂
為例

補二十五年金若魯特拜右議政從兄領議政金

在魯辭職勉副

二十八年若魯身尚魯特拜
右議政領議政金在魯辭免

補世宗二十三年命黃喜只朝朔望乙丑命大事

外庶務勿以相煩

以下相
府故事

補自國初有三公相傳犀帶不輕傳授領相河演

傳於卒碩祖碩祖位纔正二品而卒帶遂不傳

補宣祖七年正月右議政盧守慎辭疾免領議政
李鐸左議政朴淳詣闕啓請仍任許之三月左議
政朴淳呈辭免政院三啓右議政盧守慎亦三啓
請仍任不允

補仁祖十八年李敬輿以六卿為李埴所引被囚
潘中尋放還癸未拜右相奉使赴潘以被罪人為
相再被拘留甲申又被囚於潘陽北館乙酉放還
孝宗辛卯以首相又被噴言免相禁錮處閑七年
不得更拜而卒

補孝宗元年領議李景奭以城池修葺及山林引
進被罪於燕京安置白馬山城尋放還被錮二十
二年不得更拜而卒

補鄭太和八相三年而金壽恒始登第顯宗壬子
太和以首相卜相壽恒拜右相同處鼎席前古所
無云

補李敬輿劄曰元首股肱義實相湏誠意交孚視
猶腹心然後獻可習否而不以為忤薦賢任人而
不以為黨退黜奸佞而不以為專興利去弊而不
以為疑浮議橫生不為之惑上自聖躬闕失官禁

巖閣骨肉兄弟之間亦使叅議得失聚精會神表
裡洞徹搗破陰私挽躋陽明仍使旁招俊乂列于
庶位裁抑輕躁鎮定浮議凡有大是非議論詢問
斷決若或懷私同上正其罪戾以礪百僚古人所
謂待之不可以不尊任之不可以不重者真不易
之義也

肅宗朝朴世采疏曰竊聞政府古制祖宗朝六朝
分掌諸職裁處庶務又必摠括署決于政府方始
上聞雖係兵民之大者聖旨亦下政府未嘗直付
本曹可見其體統尊而事理得足成一世之治矣

中間適起適廢至明廟朝適值乙卯倭寇權設備
邊司以應急需厥後南北之難繼作仍而不革前
後幾百餘年禮樂文章政事論議皆從此出名義
甚率終將無以尊體統而得事理今當議復故制
先改備邊司為中書堂而使大臣日坐其中署決
所上諸務三公既各分掌六部而至其大事又皆
通議以至稟處始為得體矣

補閔鎮遠曰近世用人之道非私意則文具也
大臣上輔君德下率百僚是何等職任而每當
枚卜之時只以資級之當次者循例卜入有加

卜之命則又以居次者卜八君上亦循例下黜
或以私好有注意之人則又使加卜得其人之
姓名而下黜焉或以特旨拜相故居鄉列者資
級高而歷吏兵判則人已預知其為相或其人
軟熟淳沉為上所眷則人又預料其為相選用
大臣如此則百僚之選可推而知也

補

八台後最久年

二十年以上

四十年李元翼

三

十二年鄭昌孫

二十九年俞拓基

二十八年

沈澹南九萬

二十七年黃喜尹弼商李景奭

二十六年鄭獬趾韓明澹鄭光弼黃憲

二十五

年成石璘鄭太和權大運尹趾完金在魯 二十

三年鄭昌衍 二十二年李山海金塗宋時烈

二十一年李恒福寄自獻 二十年金相福

補實^補在任最久年^{十年以上} 二十四年黃喜 二十

一年鄭太和 十九年金在魯 十八年成石璘

十七年鄭昌孫許積 十六年尹弼高盧守慎

十五年河崙尚震李浚慶 十四年洪應鄭光

弼金昌集 十三年李元翼 十二年申叔舟洪

暹權轍朴淳李恒福金塗金壽恒趙顯命 十一

年趙浚洪彥弼沈連源尹昞權大運崔錫鼎徐宗

恭宋寅明 十年柳洵尹殷輔李德馨吳允謙李

光佐

補早年入台 五十歲以下 二十八龜城君浚 三十

八李德馨 四十南智朴元宗 四十二申叔舟

四十三李恒福奇自獻 四十四沈溫權曄洪

允成韓伯倫金壽恒 四十七趙浚李茂金磧黃

憲鄭太和宋寅明 四十八姜孟卿韓明澮金壽

興吳始壽 四十九沈澮柳順汀成希顏南袞柳

成龍金應南李元翼金錫胄李灝命俞拓基閔百

祥洪鳳漢 五十金壽童李符朴淳李山海李光

佐趙恭僖趙顯命金相福金致仁

補暮年入台

七十歲

八十一許穆尹拯

七十

九柳寬康純

七十八張順孫鄭澹

七十七鄭

仁私金尚憲權尚夏

七十六具仁厚

七十五

權軫沈守慶李憲國李弘胄

七十四韓孝純

七十三權仲和李浣睦果善

七十二金尚容徐

景兩南以雄趙相愚崔奎瑞

七十一尹璫趙翼

七十沈德符許桐河漢李芑鄭琢沈悅金楨李

時白尹趾善

補致仕後重卜

太宗乙酉奉朝賀李舒重卜拜

領議政同年再致仕己丑又重卜拜領議政 中
宗甲戌奉朝賀柳洵重卜拜領議政 英宗丁巳
奉朝賀李光佐重卜拜領議政 今上丙午奉朝
賀金致仁重卜拜領議政

補大臣起復 世宗丁未黃喜起復拜左議政請
終制上曰大臣起復祖宗成憲不允 世祖己卯
鄭昌孫起復拜領議政不就 成宗癸巳左議政
金國光丁父憂不許免相翌年始免 燕山丙寅
贊成金壽童居母憂從短喪制拜右議政 光海
戊午前贊成朴承宗起復拜右議政終制後行公

仁祖丁丑前禮判張維起復拜右議政不就

孝宗庚寅鄭太和起復拜領議政不就

補大臣呈辭 宣祖癸未左議政金貴榮初度免

庚子左議政鄭琢再度免 仁祖辛未左議政金

湍三度甲戌又以右議政再度並免丙子左議政

洪瑞鳳始以四十度免 肅宗丁卯左議政南九

萬五十一度免甲戌右議政尹趾完七十九度免

庚寅左議政徐宗泰五十九度免 英宗丁未右

議政趙道彬七十七度十九割免同年領議政鄭

澔三十疏免乙卯左議政徐命均七十一度免戊

午左議政金在魯一百十八度免辛未右議政鄭羽良一百五度免壬申領議政金在魯九十二度免丙子右議政趙載浩一百五度免

義興三軍府

本朝太祖

原本作定
宗令疊改

二年改中樞院為義興三軍府

置領義興三軍事又以舍人及六學教導官屬焉太

宗九年併于議政府別置三年鎮撫所隸於兵曹後

為都摠府

互見都
摠府

權近舍人所記曰開國之六年始置舍人所于三軍府又置六學教導官分科隸業舍人所無奈贅

歟謹按周制大司徒之職以六德六行六藝教萬民而賓興之凡士之有善鄉先論其秀者而升諸司徒司徒又論其秀而升諸學大樂正又論其秀而升諸司馬曰進士今之子弟之少也各學於其學稍長而可仕也又升於三軍府今三軍府即古司馬之職也教以道藝且充宿衛各論其材而後爵之則賢材無沉抑之患仕進塞僥倖之路無非周官之遺意也

今禮曹是古三軍府初鄭道傳見議政府所構之制乃曰政府軍府一體遂依其制而構之屹然東

西相對其棟宇宏壯非他官之比及三軍府罷以
禮曹掌五禮且接異國之使其任莫大以其府為
禮曹

備邊司

本朝明宗十年創置備邊司一名籌司掌摠領中外
軍國機務都提調以時原任議政例兼提調以宰臣
知邊事者兼差無定額又以吏戶禮兵四曹判書例
兼有司堂上三員以提調之知軍務者啓差即廳十
二員三以文臣兼一兵曹武備司即兼入以武臣兼
宣祖二十五年始置副提調以通政中諳鍊兵務者

差後以訓鍊大將例兼提調仁祖二年增置有司堂

上一員補後以江華留守例兼提調仁祖戊寅復陞留守後備局啓

請還兼提調似是初陞時例無而年條不可攷二十四年大提學例兼提調

肅宗元年刑曹判書例兼提調十七年開城留守例

兼提調三十九年始差八道勾管堂上各一員使有

司堂上四員各兼管二道二十五年御營大將例兼

提調後以禁衛大將例兼提調英宗二十三年守禦

使摠戎使例兼提調吏屬書吏十六人舊以八道營吏各二

人選上今以京吏為之書寫一人書吏兼庫直一名使令十六

名大廳直一名文書直一名守直軍三名撥軍三名

補明宗九年諫院啓曰備邊司者祖宗朝所無也
始於中宗末年蓋其時大臣未慣兵事啓請設之
自天備邊司設立之後邊境殆無寧歲以其堂上
多武臣好功喜事鼓動兵端而大臣信惑其言結
釁外夷故議者皆言革罷備邊司然後邊境可安
而近日自上命加出堂上誠未知上意之所在也
請依祖宗朝故事革罷備邊司使兵政統於兵曹
三公與武臣之譖邊事者同議戎務焉上曰祖宗
朝以知邊事宰相專察兩界邊事今之備邊司亦
此意也不允

補臣謹按備邊司之設在於十年而今諫院
所啓載於九年意者設為官司雖自明宗十
年始而備邊之號已初於中廟則知邊事之
時特目乙卯倭警而修明定制歟

補宣祖三十一年右議政李恒福劄曰生變以後
體統未備大小公務皆萃於備邊司六曹百司必
與大臣商議定斷已成數年之規近日以來國內
無三公事權無統緒其於軍國之政儼接之禮一
呼一吸皆係存亡多官朝夕會于邊司凡所施為
迭相嬗嬭古今天下豈有無大臣而可以為國

補壬辰亂後始設副提調許箴金弘微首拜是職

原本云李廷龜朴東亮首先為之而以世代推之恐誤

補宣祖朝李好閔李廷龜仁祖朝李植並以承文副提調兼帶備局副提調

補舊例臺諫不得兼備局郎宣祖癸巳李晬光以備郎拜獻納而以廢後死節人事實屬晬光纂集大臣啓請仍帶以卒其事

補李晬光曰宣祖大王聖智出天凡邊事規畫皆自睿斷備局諸臣每有下問以上教允當覆啓故其時語曰上教允當備邊司

補仁祖二年備忘記曰近來備邊司非但坐衙甚罕關緊之事亦不赴即回啓此必堂上太多之故也自古謀國之士不過數人而已遂令大臣商量減下堂上

補同年備局啓以本司有司堂上徐渚張維以兩司長官不叅本司金蓋國又以副總管八直本府自前有司堂上例適總管云蓋國遂適總管

補十三年俞伯曾上疏曰殿下每於備局之坐輒送人以察其勤慢大臣又以早往為盡職諸堂上即廳未到之前或有往先獨詣者此則只損體面

而已開坐之後左顧而問曰此事何如右顧而問
曰此意何如皆曰唯在相位處分終日推諉竟無
歸一之論如有回啓之事則輒作兩端之辭恭候
睿裁而已是故兒童走卒亦為備局坐以相戲然
則雖同晝夜長在備局有何一毫之益乎

補頃年樵夫會于彰義門外松下曰吾輩依樣
備局坐起可乎皆曰可少頃閑眠後呼廳直曰
南草一柄進之盡吸後又曰人馬待令乎即相
揖散去每每如此云

十六年因大臣有故特命提調坐衙如有覆奏之

事則有司堂上就議大臣以啓

補曰備局啓辭本司副提調李基祚其父禮曹判書李顯英同仕一司事未妥當李基祚副提調姑為減下

自宣祖朝有司堂上備三望受點而仁祖十九年改以單望啓差

崔鳴吉上疏曰我朝自廢署事之法三公無論政之所於是別置備局以宰臣為堂上以武班之識字者為郎廳以為酬應邊務之地其制畧似宋朝之樞密院而朝家政令無所裁斷不得不並歸備

局自資成叅贊為養病之地舍人檢詳為岐嶽之
司其舛謬甚矣今宜遵祖宗之法復設署事之規
然後政令出一而紀綱立矣必欲分大臣之權則
宜倣唐宋舊制將儲局改稱門下省以三公兼領
門下省事贊成叅贊兼知事又擇諳練治體者二
員稱門下省左右僕射俾行有司之任舍人檢詳
擇堂下有訃慮才望堪日後大用者兼門下給事
中代行郎廳之事則名號既重事權自別庶有朝
廷體面矣

又上疏曰今之儲邊司即宋朝樞密之制而三公

在此議事則亦近於議政之所矣但權設之地事
多苟簡人之視之反不如六曹臺閣之重如是而
求治臣見其愈勞而愈無其效也故臣之愚意備
邊司易其稱號如古者中書樞密或前朝都評議
之稱而有司堂上二員擬望受點官教下批有實
職則稱以兼帶無實職則以此為實職專掌本司
之事使其聲望出於三司兩銓之右其他堂上依
大明官制稱以叅預機密亦為政目下批如知製
教兼春秋之例凡有朝家動作三公為摠裁有司
堂上為主掌六卿及機密諸臣共加叅討如是統

尊而事有法度漢之丞相府本朝之署事聽唐之中書宋之樞密合以爲一既無權重之嫌又無地輕之歎而國事有康濟之望矣

補又造白世稱宰相職在廢理居廊廟者率以絨默爲務臣意不然進君德釐廢政使上下各得其職然後廢理可廢幾矣但近來該曹所管皆歸廟堂殊損事體宜付各該曹裁決從之

李植上疏曰古今所謂門下省樞密院皆在禁密今之中朝內閣之制亦然官不離次奏復無碍故雖天下大事有朝上題奏日未昧而已報可施行

者機密之事亦不至宣洩今之備局不在闕內若非坐起則便是一空廳顧使郎吏執筆持橐奔走於南山白嶽之間則政務安得不滯機事安得不洩今若移備局於闕內堂上郎廳晝則齊會夜則輪直廢幾事至期應令出即行事機敏速脉絡無壅必不如今之泄泄沓沓也

補孝宗五年大司成金益熙上疏曰我國家倣周典設官三公統六卿六卿統百司遇有事政府該曹相議舉行行之百年少無虧闕有夫備邊司之設事無巨細皆歸重於備邊司而政府徒擁虛號

六曹皆失其職莫如革罷備邊司改稱政堂使六曹長貳各以其事稟定於大臣以復祖宗之舊

○補顯宗四年目備局啓辭南九萬閔維重差下司郎廳同議賑政未幾兩人俱為臺諫備局啓請依都監郎廳例限畢賑勿叅禮數仍察賑政

○補肅宗三年教曰刑獄重地必多稟定事刑判李正英別無備局堂上

後遂為例

李端夏劄曰備局本是政府一屬司而反為政府政府則徒有其名而無實左右贊成常虛其位左右叅贊其舍檢雖或備員全無職事有同刺官名

實之爽如此故百度皆從而墜廢臣意以今備邊
司為政府直房其側一房又為備邊司使與政府
相通左右贊成勿令虛位並叅贊極一時之選使
之贊三公議政檢詳專檢刑獄則可復祖宗朝舊
制而凡中外事非有大段切急則勿令直報於政
府但報於六曹六曹判書有難自斷事未稟於政
府而備邊堂上則以兵曹判書兩局大將摠戎使
例兼專責邊事外方凡係邊事者亦令皆報備邊
司而六曹判書備邊堂上於政府開坐之日皆必
來會商議大事而後各歸其司備局郎廳則仍屬

本司文郎廳則減下司錄則依大典加出一員以
承文正字移差與檢詳或時持筆草啓如舍人如
此則政府不但為簿書期會之所而體統尊嚴邊
事有專責則又必有實效矣

二十四年始定賓廳次對一月六次舊制賓廳

大

卿宰會
議之所

次對一月行三次

初三月十三日
至是下教

曰我國之制晉接輔相與樞密之臣一月之內只
是三次雖在平時固已稀濶而況民虞國訐到此
地頭乎從今賓廳之會更定其式每月以初五初
十十五二十二二十五三十日為日次而三次則原

任大臣亦令八來以為聚精會神共做國事之地
補南九萬與崔錫鼎書曰憐邇司名號雖有乖
於謀國政之稱而即今制度三公領其事五卿
及武將諸宰稍有才諳者皆兼帶而並會至於
文武郎廳亦皆揀擇差除之地此乃合宋之中
書樞密而無攜貳之弊者也若於此處發號出
令皆合事宜亦足以致治何必改為中書省然
後乃可以為政哉凡事先實而後名則無迹而
有效先名而後實則瞻矚易駭而議論易生恐
難及見實效之成必欲正名則還復議政府事

抑以遵祖宗朝成憲乃可而今以復署事為難
別立中書省則以議政本職為虛啣欲借中書
省以正其名也豈其然乎

補三十四年曰大臣不備廟堂緊急公事不得稟
達備局有司堂上趙相愚援據丙戌年閏鎮厚定
集前例請與戶判就大臣衆相議稟定奉行從之
英宗三年左議政洪致中巡奏曰有司堂上例於
坐衙日執筆於大臣之前而資級若陞輔國則輿
貌自別有司之任減下宜矣從之

九年下教曰近者次對曠闕故本司坐起亦掃澗

豈設備局定次對之盛意哉自今非國忌則次對
無敢稟傳補稟定之日承旨持公事備堂中無故
者六曹長官之有稟者同為八侍以為定式

補十一年命弘文館書王禹偁待漏院記揭賓廳
及備局使之觀省

補十二年右議政宋寅明遜啓以備局副提調事
言之古則絕無而僅有近年則連為啓下殆若隨
闕而差者或以非古道為議而臣意則以為國事
當求實效何拘外面事例備堂地位高而行公久
者不但衰病厭事亦或職務鞅掌未能專意於備

局副提調多是年少有才之人且無他職事使同主人誠似有益於實效臣於向來歷論才望可合之人而既非臣所可請且拘僚相親嫌亦無以如意矣上曰以李宗城觀之不無其效矣在昔亦有首相有親嫌而使次相薦授者矣左議政金在魯曰副提調之任至重舊例則十年間或一再有之近年則連續差下殊非古規矣僚相所謂親嫌云者似有所指而臣既在此職兵曹判書又方在講堂之人何可一時並行於樞要乎僚相向以此有所云云而臣深言其不可矣今日之寧易陳達誠

意外矣上曰卿亦不免此態矣呂蒙正亦薦夷
簡雖不知其姪之為小人而其無私心則可知矣
右相既不舉名直達左揆之言又如此如是而國
事可做乎金在魯曰臣非敢以外面陳達也此職
既非一時不可曠置之竄且方無首相臣意決不
可如是矣上曰廟務之叢脞莫甚於近日即今備
堂不可五六人亦皆有故次對不得為之矣左揆
嫵避之人其為人勤實恢通善於做事予已知矣
同副承旨金若魯副提調差下可也

補四十年左議政洪鳳漢還啓曰古則備堂或適

或差與他職無間而近來則一番啓下之後則雖坐罷待其叙用輒即還差以致負數之自多故未曾經者亦不得一番試用矣上曰此後依古例為之可也鳳漢曰坐罷而未及還差者固無可言如或有實病實故難於行公者亦姑減下待其可以供職之時旋即改啓亦有其例矣上曰予意亦然有故人依此為之而勿曰減下謂之許通可也

臣謹按備邊司設置本意今不可攷而臣嘗聞之明宗朝曰倭奴寇邊始置本司講備禦之策以武臣堂上專管為三品衙門司在今

耆老所之南至宣廟朝始命大臣及卿宰兼
察云亦未詳其是否也

附堤堰司

本朝初置堤堰司勾管修飭各道堤堰水利後革罷
年代未攷顯宗三年因趙復陽建白復置有都提調
三公例兼提調二員一戶曹判書例兼一賑恤廳堂
上例兼郎廳一員戶曹版籍司郎廳兼肅宗五年增
置郎廳一員英宗七年提調郎廳改以備局堂郎兼
差吏屬書吏一人軍士一名並以備局書吏軍士
差

續大典通編

堤堰司有司名而無衙門

東國文獻備考卷之二百十四

